



## **Wënd tigimada rëenem rãmbã la yaoolem rãmbã zĩ-peell a yembr puga, tı boaandã wumsd-b fãa gilli, tı nin ne-b lame, tı wĩndgã pënege, tı nebã wa tug n ta keelemã la yuigrã b sën ka tõe**

Yii a Abu Hurayrat nengẽ (Wënd yard be a yĩnga) tı Wënd Tën-tuumbã (Wënd puusg la A tıgr be a yĩnga) b wa n kō-a-la nemdo, tı b zẽk bãokã n kō-a, la Nabiyaamã rag n nonga bãoko, t'a yĩig-a, rẽ poorẽ t'a yeele: «Maam la nebã zu-soaba dũni yikr raare, la rẽ yĩngã yãmb mi yẽ sën yaa a soab bu? Wënd tigimada rëenem rãmbã la yaoolem rãmbã zĩ-peell a yembr puga, tı boaandã wumsd-b fãa gilli, tı nin ne-b lame, tı wĩndgã pënege, tı nebã wa tug n ta keelemã la yuigrã b sën ka tõe, tı nebã yetẽ: yãmb ka ne y sën ta zĩig ningã, y ka na n bao ned sën na n yõk sëega y Soabã nengẽ? Tı nebã sãnda yeel taaba: yõk-y-yã a Adam. Tı b wa a Adam nengẽ, (tıgr be a yĩnga, n yeel-a: foom la ninsaalba saamba,

Wënd naana foom ne A Nugu, la A fuus A Vumã fo pugẽ la A sagl malegsã tı b maan suguud fo yĩnga, kos f Soabã sugr tõnd yĩnga, fo ka ne tõnd sën ta bũmb ningã? T'a Adam yeele: Ad mam Soabã gëe rũnda gëeg ninga A sën ka gë a buud tı looge, A ka na n leb n gë a buud yes ye, la ad A rag n gidga maam tı m ra rı tugã tı mam kũs-A, mam meng yell n pak maam, m kũmda m menga, m kũmda m menga. Këng-y zëng sën ka maam nengẽ, këng-y a Nuuh nengẽ. Tı b wa a Nuuh nengẽ, n wa yeele: Huuhu, foom la Tën-tuumbã rëenem n tug Tëngẽ wã, la Wënd puda foom tı yamb sën yaa bark puusda, kos sugr f Soabã tõnd yĩnga, fo ka ne tõnd sën be bũmb ning pugã? T'a yeele: Ad mam Soabã gëe rũnda gëeg ninga A sën ka gë a buud tı looge, A ka na n leb n gë a buud yes ye, la ad A rag n tara doaag msën sõmb n kos, la mam rik-a lame n kõs tı Wënd halk m nebã, mam meng yell n pak maam, m kũmda m menga, m kũmda m menga. Këng-y zëng sën ka mam nengẽ, këng-y-yã a [braahum nengẽ, tı wa a [braahum nengẽ n yeele: [braahuma, foom la Wënd Nabiyaam la a nonga Tëngã rãmb nengẽ, kos sugr f Soabã d yĩnga, fo ka ne tõnd sën be bũmb ning pugã? T'a yeel-ba: Ad mam Soabã gëe rũnda gëeg ninga A sën ka gë a buud tı looge, A ka na n leb n gë a buud yes ye, la ad A rag n yaga yagb a tãabo, mam meng yell n pak maam, m kũmda m menga, m kũmda m menga. Këng-y zëng sën ka mam nengẽ, këng-y-yã a Muusa nengẽ. Tı b wa a Muusa nengẽ n yeele: Muusa, foom la Wënd Tën-tuuma, Wënd yusa foom nebã zugu ne A tën-tuumbdã la A goamã, kos f Soabã sugr tõnd yĩnga, t'a yeele: Ad mam Soabã gëe rũnda gëeg ninga A sën ka gë a buud tı looge, A ka na n leb n gë a buud yes ye, la mam rag n kuu yõore, b sën ka sagl maam tı m ku-a, mam meng yell n pak maam, m kũmda m menga, m kũmda m menga. Këng-y zëng sën ka mam nengẽ, këng-y-yã a [ısa a Maryam biigã nengẽ. Tı b wa a [ısa nengẽ n yeele: [ısa, fo yaa Wënd Tën-tuuma, n leb n yaa A gomde A sën lob-a a Maryam nengẽ, n leb n yaa Vum sën yi A nengẽ, fo goma ne nebã

fo sēn wa n be futē n yaa bi-bilfu, kos f Soabā sugr tōnd yīnga, fo ka ne tōnd sēn be yell ning pugā, t'a yeele: Ad mam Soabā gēe rūnda gēeg ninga A sēn ka gē a buud ti looge, A ka na n leb n gē a buud yes ye, la a ka togs zūnuub ye, mam meng yell n pak maam, m kūmda m menga, m kūmda m menga. Kēng-y zēng sēn ka mam nengē, kēng-y-yā a Muhammad nengē. Ti b wa a Muhammad nengē n yeele: Muhaamad, fo yaa Wēnd Tēn-tuuma, la nabiyaam-rāmbā Pidsda la Wēnd yaafa foom f zūnuub-rāmb sēn reng taoore la sēn yaoolge, kos f Soabā sugr tōnd yīnga, fo ka ne tōnd sēn be būmb ning pugē wā? Ti mam loog n kēng Al-arsā tēngre, n lūi n maan m Soabā suguudu, (A Naam yi wagell n zēke, rē poorē ti Wēnd pak n wilg maam sēn yaa A pēgb la A soesg yela, A sēn rag n ka pak n wilg maam sēn reng taor ye. Rē poorē ti b yeele: Muhammad zēk f zugā n kos ti b na n kō-f lame, la f kos sugr ti b na reega f sugrā. Ti mam zēk m zugā n yeele, m poorē rāmbā, m Soab A Wēnde, m poorē rāmbā yelle, m Soab A Wēnde! Ti b yeele: Muhammad kēes fo poorē rāmbā neb nins geelg sēn ka be b rāmb zugā arzānā rtg ragnoorā. La b na n leb n lagema nebā n kē ragnoy nins sēn ketā. Rē poorē ti Nabiyaamā yeele: m wēen ne Naab ning mam yōorā sēn be A Nugē wā, sēn be arzānā regnoorā kirems a yiibā suka yaa wala Mak la himyar suka, -maa Mak la Busraa suka-»

[Naṣun Ṣahuḥun (Gom-sikdem sēn manege)] [B zemsa taab a zugu (A Al-Buḥariy la a Muslim n reeg-a)]

Nabiyaamā yume (Wēnd puusg la A tulgr be a yīnga) n be ne a Ṣahaabsā, b sēn bool-b ti wa ri zīigē ti b rik bāok n kō-a, la Nabiyaamā rag n nonga bāoko, t'a yīig-a, ne a yīngr yēnā, rē poorē t'a yēs-ba n yeele: Maam la a Adam koambā zu-soab dūni yikr raare, la rē yaa Wēnd neemā wā A sēn maan n kō-a wā yēsgo, ka pugb ye, (A Naam zēk yā). Rē poorē t'a yeele: la yāmb mii rē sēn yaa a soab bu? A yeelame: ti Wēnd tigimda nebā zīig sēn yaa yaleng n teese, la neb nins sēn be vūugē wā boaand wumsd-b lame, ti gēt me tōe n yā-ba, b yell baa a yembr ka solg ye, bala Tēngā zemsa taaba, būmb ka be n lilld ti ka tōe n yā ye, ti nifr ne b zanga, rat n yeel ti ned sā n gome, a gomdā wumsda ned ning sēn be a hal kireng kaanē, ti ninā ne-ba ti wīndgā pēneg bōn-naandsā n zems wala Miili, ti nebā wa tug n ta keelemā la yuugrā b sēn ka tōe, ti b baood n na pōse sēn tū ne Sugsgu. Ti Wēnd leems sid-kōtbā ti b wa a Adam nengē, (tulgr be a yīnga) sēn yaa ninsaalbā ba wā, ti b wa a nengē n togs-a a yuudlemā tōe t'a na sugsbā Wēnd nengē, (A Naam yi wagell n zēke), b yet-a lame: foom la ninsaalba saamba, Wēnd naana foom ne A Nugu, la A sagl malegsā ti b maan suguud fo yīnga, la A wilg foom būmb fāa gill yuure, la A fuus A Vumā fo pugē. T'a Adam bao padanga n yeel ti Wēnd gēe rūnda gēeg ninga A sēn ka gē a buud ti looge, A ka na n leb n gē a buud yes ye, rē poorē t'a togs a tudgrā, la rēnda yaa ti Wēnde, (A Naam yulgame n zēke) A rag n gidg-a lame t'a ra ri tugā ti yē kus-A, la a yeele: ad mam mengā n sōmb ti b kos sugr m yīnga. Kēng-y zēng sēn ka maam nengē, kēng-y a Nuuh nengē. Ti b wa a Nuuh nengē, n wa yeele: Nuuhu, foom la Tēn-tuumbā rēenem n tug Tēngē wā, la Wēnd puda foom ti yamb sēn yaa bark puusda, la yēnda me na n padmame n yeele: Ad Wēnd gēe rūnda gēeg ninga A sēn ka gē a buud ti looge, A ka na n leb n gē a buud yes ye, la ad a rag n tara doaag m sēn sōmb n kos, la a rik-a lame n kōs ti Wēnd halk a nebā, mam meng n sōmb ti b kos sugsg n kō-ma. Kēng-y zēng sēn ka maam nengē, kēng-y-yā a [braahum nengē. Ti b wa a [braahum nengē n yeele: [braahuma, foom la Wēnd nonga Tēngā zugu, kos sugr f Soabā d yīnga, fo ka ne tōnd sēn be būmb ning pugā? T'a yeel-ba: Ad mam Soabā gēe rūnda gēeg ninga A sēn ka gē a buud ti looge, A ka na n leb n gē a buud yes ye, la ad A rag n yaga yagb a tāabo, bāmb la a koεεg sēn yeel Alkurāanā pugē ti {mam yaa bāada} la {Rubsā kāsēm n wā rubsā} la a sēn yeel a paga a Saara t'a yeel na-wēngā t'a togs-a ti yē yaa a tāo, sēn na yul n paam n tulg n yi

naabã wẽnga. La sida yaa ti gom-biis a tãabã b rag n yaa pud n põs gomd bala, la b sãn wõnd wala zĩri wã n kit t'a tar rabeem ne-a, ti woto yaa a mengã la a sik yã n yi sugrã kosgo; bala ned ning sãn wa n yuud minim ne Wẽnde, la a yuud pẽnegr ne Wẽnde, yẽnda rabeemã n yuude. La a [braahum yeelame: m yõorã n sõmb ne b kos sugsg n kõ-a. Kẽng-y zẽng sãn ka maam nengẽ, kẽng-y-yã a Muusa nengẽ. Ti b wa a Muusa nengẽ n yeele: Muusa, foom la Wẽnd Tẽn-tuuma, Wẽnd yusa foom nebã zugu ne A tẽn-tuumdã la A goamã, kos f Soabã sugr tõnd yĩnga, fo ka ne tõnd sãn be yell ning pugã?! T'a yeele: Ad mam Soabã gẽe rũada gẽeg ninga A sãn ka gẽ a buud ti looge, A ka na n leb n gẽ a buud yes ye, la mam rag n kuv yõore, b sãn ka sagl maam ti m ku-a, mam mengã n sõmb ne sugsgu. Kẽng-y zẽng sãn ka maam nengẽ, kẽng-y-yã a [isa a Maryam biigã nengẽ. Ti b wa a [isa nengẽ n yeele: [isa, fo yaa Wẽnd Tẽn-tuuma, n leb n yaa A gomde A sãn lob-a a Maryam nengẽ, n leb n yaa Vum sãn yi A nengẽ, fo goma ne nebã fo sãn wa n be futẽ n yaa bi-bilfu, kos f Soabã sugr tõnd yĩnga, fo ka ne tõnd sãn be yell ning pugã?! T'a yeele: Ad mam Soabã gẽe rũada gẽeg ninga A sãn ka gẽ a buud ti looge, A ka na n leb n gẽ a buud yes ye, la a ka togs zũnuub ye, mam mengã n sõmb ne sugsgu. Kẽng-y zẽng sãn ka maam nengẽ. Kẽng-y-yã a Muhammad nengẽ. Ti b wa a Muhammad nengẽ n yeele: Muhaamad, fo yaa Wẽnd Tẽn-tuuma, la nabiyaam-rãmbã Pidsda la Wẽnd yaafa foom f zũnuub-rãmb sãn reng taoore la sãn yaoolge, kos f Soabã sugr tõnd yĩnga, fo ka ne tõnd sãn be bũmb ning pugẽ wã?! Ti mam loog n kẽng Al-arsã tẽngre, n luu n maan m Soabã suguudu, (A Naam yi wagell n zẽke, rẽ poorẽ ti Wẽnd pak n wilg maam sãn yaa A pẽgb la A soeesg yela, A sãn rag n ka pak n wilg maam sãn reng taor ye. Rẽ poorẽ ti b yeele: Muhammad zẽk f zugã n kos ti b na n kõ-f lame, la f kos sugr ti b na reega f sugrã. Ti mam zẽk m zugã n yeele, m poorẽ rãmbã, m Soab A Wẽnde, m poorẽ rãmbã yelle, m Soab A Wẽnde! Ti b na n sak a sugsgã. Ti b yeele: Muhammad kees fo poorẽ rãmbã neb nins geelg sãn ka be b rãmb zugã arzãnã rutg ragnoorã. La b na n leb n lagema nebã n kẽ ragnoy nins sãn ketã. Rẽ poorẽ ti Nabiyaamã yeele: m wẽn ne Naab ning mam yõorã sãn be A Nugẽ wã, sãn be arzãnã regnoorã kurems a yiibã suka yaa wala Mak la Yaman San'aa' suka, maa Mak la Saam Busraa suka, la yẽ yaa Hawraan tẽnga.

<https://sunnah.global/hadeeth/mos/show/8345>

النّجاة الخيرية  
ALNAJAT CHARITY

